

Amitsoq 2013-06

Qallunaatuumiit kalaallisuunngortitaq

SIK-mit tusarniaanermut akissut

Greenroc Graphite Ltd-ip Kujataani. Nanortaliup eqqaani, Amitsumi aqerluusassamik qalluiniarneranut pilersaarutip allaaserinerata tusarnianeppaarneranut akissut.

Siullermik SIK tusarniaanermut qulaani taaneqartumut isummersinnaanermut peqataasinnaanermut qujavog.

Tusarniaaneq 23. maj 2025 nassiunneqarsimavoq 27. juni 2025 Aatsitassanut Aqutsisoqarfimmut akineqarnissaminut killeqarluni.

SIK tusarniaaqaarnermut isumaqataavoq.

Amitsumi, Kujataani Nanortaliup eqqaani aqerluusassamik qalluiniarnermut pilersaarusiortoqarnissaanut

- Qalluinissamut akuersissummik tunniussisoqartinnagu inuiaqatigiinnut avatangiisinullu sunniutaasussat (VSB aamma VVM) suliarineqaqqaartariaqarput
- Naalakkersuisunut piumasaqaataavoq inuiaqatigiit aatsitassarsiorniarnernut pilersaarusiornerni piaartumik ilanngutitinnissaat, sapinngisamik isumataarnerniit
- Tamatuma kingorna Inuiaqatigiinnut avatangiisinullu tusarniarnerit (VSB aamma VVM) tusarniaaqaasutigineqartassasut
- VSB-mik aamma VVM-imik tusarniaanerit Naalakkersuisunit akuerineqareerpata IBA-mut isumaqatigiissut qalluinerullu unitsinneqalerneranut pilersaarutit aatsaat isumagineqassasut
- Qalluinermut akuersissummik tunniussinerup kingorna ukiut sisamat qaangiutsinnagit qalluinerup unitsinneqalerneranut pilersaarutit Naalakkersuisunit akuerineqareersimassapput

SIK-p Amitsumi aqerluusassamik qallueqqilernissamut pilersaarutip allaaserineqarneranut imatut oqaaseqaateqarpoq:

Sulisut 30-40-it nunatsinneersut sanaartornerup nalaani inuillu 60-90-it nunatsinneersut tunisassiornerup nalaani sulifissaqartinneqassapput.

- Sanaartornerup nalaani sulisunik nunatsinneersunik sulisoqarniarneq SIK-mit iluarineqarpoq, minnerunngitsumillu tunisassiornerup nalaani ilinniagaqartunik ilinniagaqanngitswunillu sulisoqassamaarneq iluarineqarluni

	Sulisussat amerlassusissaat
Sanaartorneq, 2026 naanerani / 2027	Inuit 90-it
Atortulersugaanera illuliornerlu 2026/2027 naammassissanganneqarput	
Tunisassiorneq	170 sinnerlugit atorfillit
Taamaatinneq	? atorfillit
Tunisassiorneq	170 atorfillit

Sulisartut sulisitsisullu illuatungeriit isumaqatigiinniartarnerat nunatsinni atorpeqartarpoq. SIK nunatsinni sulisinnaasut amerlanersaasa sinniisorivaat, isumaqatigiinniarnerni pingaarluinnartutut inissisimasoq

- Suliatigut peqatigiiffik, SIK, piareersimavoq akissarsiatigut isumaqatigiinniarnernik GreenRoc Strategic Materials Plc-mut, Amitsumi aqerluusassamik qalluilerniartumut, isumaqatigiinniarnissaminut, Kalaallit Nunanaani, Nanortalimmi Amitsumi sulisussat sinnerlugit.
- SIK isumaqarpoq sulisoqarnermi atugassarititaasut tamatigut nunatsinni inatsisit malillugit ingerlanneqarumaartut, soorlu suliffiup sivilissusia, qaangiuttoornerit, akissarsiat ajunngitsorsiassallu eqqarsaatigalugit.
- Amitsumi sulisussat nikittarlutik suliaartortartussaapput. SIK isumaqarpoq sulisussat maaniamiut pitsaasumik isumaqateqatigiissuteqartariaqartut.
- SIK-p iluarisimaarpaa qalluifissap eqqaani najugallit nunallu tamassuma ilaani najugallit sulisussatut periarfissinniarneqarmata, ilinniarnikuuppata iliniarnikuunngikkaluarppataluuniit.
- SIK-p pingaartumik nuannarisimaarpaa nunaqavissunik ilinniarsimasunik iliniagaqanngitsunillu sulisoqarniarneq, qaninnerpaat Nanortalimmiut Nanortaliullu eqqaani nunaqarfinni najugallit siulliullugit, Qaqortormiut Narsarmiut taakkulu eqqaani najugaqartut tulliullugit, taavalu aamma nunatta sinnerineersut tulliullugit.
- Aamma iluarisimaarneqarpoq Sisimiuni Aatsitassalerinermut Iliniarfik suleqatiginiarneqarmat, taamatullu inuussutissarsiutinik ilinniarsiit allat aamma suleqatiginiarneqarmata (soorlu pikkorissaanerit piginnaanernillu ilinniartitsinerit aqqutigalugit).
- Sulilernissaq sioqqullugu pikkorissaanerit ingerlaniarneqarput. Saniatigut ilinniartut ilisimasallillu sanileriitillugit ilisimasamik avitseqatigiinnikkut ilinniarneq pilersaarutaavoq, kujataani pisortat, iliniarsiit SIK-lu suleqatigalugit.
- Iliuussissamik pilersaarusiorneq (strategi) iluaqutigalugu kalaallit suleqataasussat piginnaanerinik ineriartortitsineq pilersaarutigineqarpoq, ilaatigut ilinniariikkat qaavisigut allanik iliniarnikkut (omskoling) pikkorissaanikkullu (opkvalificering).
- SIK-p tapersersorpaa kalaallit sulifeqarfiisa pingaartumik Amitsup, Nanortaliup eqqaaniittut atorpeqassamaarneri kiffartuussineq pilersuinerlu eqqarsaatigalugit.

Ajunaarnissamut navianartoqarpoq qalluiffimmilu sulisut eqqorneqarsinnaallutik

- Sulinermi pissutsit suliffimmilu isumannaalliunikkut pissutsit kalaallit qallunaallu inatsisaat malillugit ingerlaneqassapput, nunarsuatsinnilu pissutsit nalinginnaasut atorpeqassallutik. Taamak iliornikkut sulinerup nalaani Amitsumi aqerluusassaliornermilu ajunaarnissat pinngitsoortinniarneqarput.
- SIK-p isumaa malillugu suliffinnik nalilersuinerit (APV) ingerlanneqartariaqarput sanaartornissaq sioqqullugu, taamak isiornikkut nalunaarut nr. 1168-imi taamatut nalilersuinissamut piumasaqaatit malinneqarnissaat anguniarlugu.
- SIK-p naatsorsuutigivaa siunissami VSB-mik nalunaarusiarineqartussaq uniornagu ingerlatsisoqarumaartoq, aatsitassanillu qalluineq ukiut 22-t sinnerlugit ingerlanneqarsinnaajumaartoq.

Ujaqqat aserorternikut sinnikuinik (tailings) toqqorsineq

- SIK-p inersuussutigaa ujaqqat aserorternikut sinnikuinik – tailingsinik – inissiineq Itillikasimmi pissasoq, kangerluup akiatungaani, Amitsup kitaani 3km-sut ungasissusilimmi.
- Taseq Amitsumut qaninnerusoq qalluiffiup imilersornissaanut atortussaassammat.
- Qalluiffimmi, aqqutaani eqqaanilu pujoralaap sapinngisamik akornutaannginnissaa pingaaruteqarpoq. Pujoralaap siammannissaa imeq atorlugu annikillisarneqarsinnaavoq.

Eqqakkanik imerpalaanngitsut aqutsineq

- Igitassat ulorianartut Europamut imlt Amerikkamut Avannarlernut ingerlateqqinneqartariaqarput, nunani taakkunani malittarisassat malillugut isumagineqarlutik.
- SIK-p naatsiorsuutigivaa igitassat kulbrintinik (usserutinik) akullit qisuillu ikuallaasarfinnut ingerlateqqinneqassasut imlt ESANI A/S aqqutigalugu katersorneqartassasut. Ikuallaasarfinni tamakkulerisinnaasuni soorlu Nunatsinni, Nuummi imlt Sisimiuni tamakku isumagineqarsinnaapput. Qalluivimmi ikuallaavimmik aamma pilersitsisoqarsinnaavoq.

Akileraarutit

- SIK-p takorusuppaa tunisassiornermi akileraarutit (royalties) inuiaqatigiinnut, pingaartumik Nanortalimmut eqqaanullu iluaqutaassasut. Qanortoq kulturilerisunut, timersortartunut atuarfinnut meeqqerivinnut il.il. iluaqutaagilik.
- Sulisut aningaasarsiaannit akilerarutit kiisalu suliffeqarfiup akileraarutai Kommune Kujallermut iluaqutaasariaqarput, tamaani suliffissaaleqineq annikillisarsinnaaniassammat. Nunatsinnilumi.
- Akuttunngitsumik Kommune Kujalleq ataatsimeeqatigineqartariaqarpoq. Taamatullu aamma illoqarfinni Nanortalimmi, Qaqortumi Narsamilu isumalioqatigiissitat akuttunngitsumik aamma oqaloqatigineqartariaqartassallutik.